

四庫全書

史部

欽定四庫全書

史部

皇朝文獻通考卷二百九十三

中書<sub>臣</sub>張經田覆勘

總校官檢討<sub>臣</sub>何思鈞

欽定四庫全書

皇朝文獻通考卷二百九十一

輿地考

二十三

牧廠

臣等謹按冀北之野良馬所自出戰國時燕趙擅  
騎射之利故英雄於北而自元魏及遼並以馬之  
蕃耗視國之強弱金立羣牧使皆在昌桓撫三州  
蓋草肥土行自昔而然我

太宗文皇帝既平察哈爾謂此地宜畜牧遂置各牧場于此長林豐草訛寢咸宜游北別羣孔阜孔碩凡馬駝牛羊之孳息者歲以千萬計考牧之盛越于前古其地在彰武臺及獨石口張家口邊外隸於內務府慶豐司上駟院及太僕寺等衙門故列於各郡縣之後

牧廠東至科爾沁左翼前旗界西至鑲紅旗察哈爾界南至邊牆北與察哈爾正藍鑲白正白鑲黃

正黃正紅等旗壤地相錯漢為遼東郡上谷郡代郡雁門郡之北境遼為東京中京西京道境內地金為東京北京西京路境內地元為上都及興和等路地其東為遼陽路之北境其西為大同路之北境明皆為邊外地

本朝置牧廠其最東為楊柳木牧廠西為

御馬廠又西為太僕寺左翼牧廠又西為鑲黃等四旗牧廠又西南為正黃等四旗牧廠最西為太僕

寺右翼牧廠設總管副總管等員管轄

楊柳木牧廠駐楊柳木河旁杜爾筆山在

盛京錦州府廣寧縣北二百十里東西距一百五十

里南北距二百五十里東與北並至科爾沁左翼

前旗界西至土默特左翼南至彰武臺邊門界至

京師一千二百五十里漢遼東郡地遼金元為懿州

地明初置廣寧後屯衛永樂八年徙衛治義州遂

廢為邊外地

本朝置牧廠

御馬廠亦名上都牧廠駐博羅城在獨石口東北一百四十五里東西距一百三十里南北距一百九十七里東至多倫諾爾廳界西與北並至鑲白旗察哈爾界南至獨石口邊界至

京師六百七十五里漢上谷郡北境唐為奚契丹地金置桓州領清塞縣屬西京路在今廠地北境元為開平府建置宮室號為上都設留守司在今廠

地東北境明初置開平衛並置涼亭等八驛宣德五年徙衛治獨石遂廢為邊外地

本朝置牧廠

太僕寺左翼牧廠駐喀喇尼墩井在張家口東北一百四十里東西距一百三十里南北距五十里東至張家口邊界西至鑲黃旗牧廠界南至鑲藍旗牧廠界北至鑲黃旗察哈爾界至

京師五百五十里漢上谷郡地遼金為望雲縣地元



為雲州地明為宣府邊外地

本朝置牧廠

鑲黃等四旗牧廠駐控果羅鄂博岡在張家口北  
一百里東西距一百四十里南北距一百五十里  
東至鑲藍旗牧廠界西至正黃旗牧廠界南至張  
家口邊界北至鑲黃旗察哈爾界至

京師四百一十里漢上谷郡地金置撫州治柔遠縣  
屬西京路元中統時陞為隆興路後改為興和路

在今廠地西南境武宗時置中都在今廠地西北境明置興和守禦千戶所永樂二十年徙所治宣府遂廢為邊外地

本朝置牧廠

正黃等四旗牧廠駐諾穆罕博羅山在張家口西北二百里東西距一百三十里南北距二百五十里東至鑲黃旗牧廠界西與北並至正黃旗察哈爾界南至豐鎮廳邊界至

京師六百十里漢代郡北境金為撫州之集寧縣及  
豐利縣地元為集寧路明為天成衛邊外地

本朝置牧廠

太僕寺右翼牧廠駐齊齊爾罕河在張家口西北  
三百十里東西距一百五十里南北距六十五里  
東至正黃旗察哈爾界西至鑲紅旗察哈爾界南  
至豐鎮廳邊界北至正紅旗察哈爾界至

京師七百二十里漢雁門郡疆陰縣地遼為大同府

長青縣北境金為大同府白登縣北境元為大同府北境明為陽和衛邊外地

本朝置牧廠

察哈爾

臣等謹按察哈爾部落本元代後裔終明之世雄長北陲我

朝肇基王業各蒙古相率歸誠惟察哈爾恃其強盛未即款服逮

太宗文皇帝統衆親征林丹走死其子額哲稽首來降錫  
以王爵列在藩封至康熙年間以布爾呢叛逆復  
加戡定始遷其衆於宣大邊外惟以總管等官臨  
治與各札薩克之襲有世爵者不同第其散處邊  
陲習於遊牧則固與諸蒙古無異也其地在獨石  
口張家口殺虎口外與各牧廠相接隸于理藩院  
典屬司故列於牧廠之後

察哈爾八旗東至克什克騰界西至歸化城土默

特界南至太僕寺等各牧廠及山西大同府朔平府邊界北至蘇尼特及四子部落界袤延千餘里漢為上谷郡代郡雁門郡之北境直匈奴左王居及單于庭後漢為烏桓鮮卑地烏桓校尉治馬元魏置禦夷懷荒柔元撫冥武川懷朔六鎮唐時突厥及奚居之遼為歸化奉聖諸州北境及乙室部訛僕括部撒里葛等部所居金為西京路之桓州撫州等地元為上都路興和路大同路及寧昌應

昌德寧全寧淨州集寧等路地明洪武時置開平  
等衛所後俱棄為邊外地自明初元裔阿裕實理  
達喇退居和寧在今喀爾喀境數傳之後去國號  
稱為韃靼號曰汗至明景泰中元裔托克托布哈  
之子瑪拉噶爾嗣立始稱小王子其後皆以小王  
子為號成化弘治之間小王子屢入據河套嘉靖  
間有小王子卜赤駐牧察哈爾之地因以名部亦  
曰拙漢兒時諳達方強懼為所并及徙帳於遼東

邊外收福餘雜部四傳至林丹自稱胡土克圖汗  
漸強盛萬厯四十三年屢犯遼東崇禎元年乘勢  
犯宣大邀歲賞東西馳逐侵暴諸部其所屬各台  
吉等俱率衆次第歸於

本朝天聰八年

太宗文皇帝統大軍親征察哈爾林丹懼欲走往圖伯特  
奔至打草灘而卒明年其子崆果爾額哲率餘衆  
來降封為親王即其部編旗駐義州順治五年額



哲卒其弟阿布龔襲爵傳至布爾呢兄弟於康熙十四年叛討誅之移其部衆駐牧宣化大同邊城外後從征噶爾丹有功增給軍餉復以來降之喀爾喀厄魯特人編為佐領隸焉其八旗分為東西二翼東四旗曰鑲黃旗又東為正白旗又東為鑲白旗最東為正藍旗西四旗曰正黃旗又西為正紅旗又西為鑲紅旗最西為鑲藍旗凡各旗壩內官地及旗人與民人交涉事件以四旗廳及多倫

諾爾廳獨石口廳張家口廳豐鎮廳寧遠廳治之  
本旗事務設都統副都統及總管等員管轄

鑲黃旗察哈爾駐蘇們哈達在張家口北三百四  
十里東西距一百六十里南北距一百九十里東  
至正白旗察哈爾界西至正黃旗察哈爾界南至  
鑲黃旗牧廠界北至蘇尼特界至

京師七百五十里漢上谷郡北境金為撫州地元為  
興和路地明為萬全右衛邊外地

本朝鑲黃旗察哈爾駐牧

正黃旗察哈爾駐穆遜特格山在張家口西北三百二十里東西距一百十里南北距二百八十里東至鑲黃旗察哈爾界西至正紅旗察哈爾界南至太僕寺右翼牧廠界北至蘇尼特界至

京師七百三十里漢代郡且如縣地金撫州威寧縣元興和路威寧縣地明為天成衛東北邊外地

本朝為正黃旗察哈爾駐牧

正白旗察哈爾駐布爾噶台在獨石口西北二百九十里東西距七十八里南北距二百九十五里東與北並至鑲白旗察哈爾界西與南並至鑲黃旗察哈爾界至

京師八百二十里漢上谷郡北境遼金皆為望雲縣地元為雲州北境明為龍門衛邊外地

本朝為正白旗察哈爾駐牧

鑲白旗察哈爾駐布延阿海蘇默在獨石口北二

百四十五里東西距五十六里南北距一百九十  
七里東與北並至正藍旗察哈爾界西至正白旗  
察哈爾界南至太僕寺牧廠界至

京師七百七十里漢上谷郡北境金為桓州地元為  
上都路西境明初為開平衛地後廢為邊外地  
本朝為鑲白旗察哈爾駐牧

正紅旗察哈爾駐古爾班托羅海山在張家口西  
北三百七十里東西距五十五里南北距二百八

十里東至正黃旗察哈爾界西至鑲紅旗察哈爾  
界南至太僕寺右翼牧廠界北至四子部落界至  
京師八百里漢雁門郡北境遼為大同府天成長青  
二縣北境金元皆為大同府北境明為天成陽和  
二衛邊外地

本朝為正紅旗察哈爾駐牧

鑲紅旗察哈爾駐布林泉在張家口西北四百二  
十里東西距五十里南北距二百九十里東至正

紅旗察哈爾界西至鑲藍旗察哈爾界南至大同府邊界北至四子部落界至

京師八百三十里漢雁門郡北境遼德州東北境金元皆為大同府北境明為大同邊外地

本朝為鑲紅旗察哈爾駐牧

正藍旗察哈爾駐札哈蘇台泊在獨石口東北三百六十里東西距二百六十五里南北距九十五里東至克什克騰界西至鑲白旗察哈爾界南至

上都牧廠界北至阿巴噶界至

京師八百九十里漢上谷郡北境金為桓州地元置  
開平府加號上都在今旗地東南境明初為開平  
衛地後廢為邊外地

本朝為正藍旗察哈爾駐牧

鑲藍旗察哈爾駐阿巴漢喇喀山在殺虎口東北  
九十里東西距一百十五里南北距一百六十里  
東至鑲紅旗察哈爾界西至歸化城土默特界南



至大同府邊界北至四子部落界至

京師一千里漢雁門郡沃陽縣地遼金元皆為豐州  
東境明大同府西北邊外地

本朝為鑲藍旗察哈爾駐牧

內札薩克蒙古

臣等謹按禹分天下為九州其時外薄四海咸建五  
長此域外建置所由始也顧禹貢紀聲教所及而  
朔南但謂之暨說者謂北距大漢則及境而止不

能越乎其外至周禮職方氏所列蠻服夷服鎮服  
藩服特居九服之四然當時所謂疆以戎索者祇  
在汾晉之墟至於朔漠以外固非疆理所及矣漢  
唐以來匈奴突厥之屬雜處其間遼金及元始置  
都邑城郭與內地不異明代威德弗遠邊警時聞  
我

國家發祥東土肇建鴻圖蒙古諸部落先後款附聯  
為戚畹載在勲盟各奉其土地人民比於內臣於

是編戶設官悉遵約束帶礪之錫爰及子孫其封爵會盟諸事隸於理藩院旗籍司及王會司視功之大小以別承襲之等差酌路之遠近以定朝貢之疏數典禮至優極渥而各蒙古仰霑

列朝德澤亦無不恪守疆圻傾心向化入奉朝元之會出參從狩之班屏藩萬里中外一家實曠古所未有也

內札薩克蒙古東至吉林黑龍江界西至賀蘭山

厄魯特界南至察哈爾八旗及各牧廠界北至喀爾喀界袤延萬餘里古雍冀幽并營五州北境春秋時晉北有林胡樓煩燕北有東胡山戎各分散谿谷自為君長戰國以後為匈奴地漢初匈奴冒頓強盛自立為單于置左右賢王左右谷蠡左右大將以左賢王居東方直上谷郡以東接濊貊右賢王居西方直上谷郡以西接氐羌而單于庭直代郡雲中郡武帝時遣將出隴西定襄屢加征伐

始退居漠北東漢時匈奴分為南北二部南單于  
始復居漠南漢末匈奴衰弱東胡別種烏桓鮮卑  
二部雜居其地元魏時入於蠕蠕其東境兼為庫  
莫奚地北齊以後突厥破蠕蠕自稱可汗至隋時  
遂兼有漠南北之後時庫莫奚在東境種類漸多  
始去庫莫但稱曰奚唐突厥強盛分為東西兩部  
西突厥移帳於西域其東突厥皆居漠南逼近豐  
勝諸州貞觀四年遣李靖等擊破頡利可汗以其

地置定襄雲中等都督府即以其部長主之二十  
一年復擊破車鼻可汗置狼山等十都督府蘇農  
等三十二州設單于瀚海兩都護府領之是時東  
境之奚與契丹並內附於契丹地置松漠都督府  
領峭落等九州於奚地置饒樂都督府領弱水等  
六州仍各以其部長主之突厥既滅之後其部衆  
叛服不常而薛延陀與回紇分有其地薛延陀尋  
為唐所滅其地盡入于回紇唐末回紇漸衰西夏

與契丹遂分有其地契丹耶律氏起自臨潢併有  
東西奚諸部之地建國為遼其後分置州縣此為  
上京道中京道諸州縣及西京道北境地金為上  
京路北京路西京路諸州縣地元之先曰蒙古居  
西北極邊奄有天下遂成一統此為大寧上都興  
和大同等路地明初元順帝之子阿裕實理達喇  
去歸漠北保有和寧此為明大寧衛開平衛及興  
和守禦所北境永樂初元裔去其國號稱為韃靼

其酋長阿魯台既立布尼雅實哩為汗數擁衆犯邊宣德以後各衛皆棄為邊外地時韃靼遺種繁衍漸駐牧於漠南其東境又兼為烏梁海地其後衛拉特脫歡襲殺阿魯台有托克托布哈者為脫歡所立居漠北脫歡輔之既誘朵顏諸衛窺塞子額森嗣為太師正統時誘諸番大舉入寇至宣府明師有土木之覆既而額森弒托克托布哈自立尋為其屬所殺時韃靼部長巴賚求托克托布哈



子瑪爾噶爾立之號小王子巴賚與其屬茂里海  
皆雄視部中天順中瑪古奇爾吉斯嗣為小王子  
韃靼部長益各專權成化初巴賚與茂里海擁小  
王子入據河套會巴賚弑小王子茂里海殺巴賚  
更立他王子尋復弑之有別部沙嘉阿爾斯蘭與  
博勒呼亦入據河套明發兵討之無功而茂里海  
諸部亦稍衰敗時又有滿魯都入河套稱汗以沙  
嘉阿爾斯蘭為太師尋與博勒呼入寇為明所敗

滿魯都不復居套沙嘉阿爾斯蘭遂殺博勒呼併其衆益專恣為滿魯都所殺滿魯都死邊患少息成化末入寇者復稱小王子漸往來套中與火篩相倚弘治十三年小王子復居河套為邊患無寧歲嘉靖十一年小王子徙帳東方而所分諸部落在西北邊者濟農諸達二部最强時時入寇吉囊據有河套而諳達駐威寧海子於豐州築城自衛又有素囊等十二部為所役屬隆慶四年諳達內

附詔封為順義王自是約束諸部西塞稍寧而東塞之小王子察哈爾時寇遼東傳至林丹汗益強盛蒙古諸部多為所役屬

本朝龍興蒙古科爾沁部率先歸附及既滅察哈爾諸部相繼來附有大征伐並帥師以從及定鼎以後錫以爵祿俾得世及共二十五部為五十一旗與內八旗等其朝覲貢道則科爾沁郭爾羅斯杜爾伯特札賚特四部十旗由山海關札魯特喀爾

喀左翼奈曼敖漢土默特喀喇沁翁牛特阿魯科  
爾沁八部十三旗由喜峯口巴林克什克騰烏珠  
穆沁浩齊特阿巴哈納爾左翼阿巴噶左翼六部  
九旗由獨石口阿巴哈納爾右翼阿巴噶右翼蘇  
尼特四子部落喀爾喀右翼茂明安六部七旗由  
張家口烏喇特鄂爾多斯歸化城土默特三部十  
二旗由殺虎口共分為三班其會盟則科爾沁郭  
爾羅斯杜爾伯特札賚特四部為一會其盟所曰

哲里穆札嚕特喀爾喀左翼奈曼教漢翁牛特阿  
嚕科爾沁巴林克什克騰八部為一會其盟所曰  
召烏達土默特喀喇沁二部為一會其盟所曰卓  
索圖烏珠穆沁浩齊特阿巴哈納爾阿巴噶蘇尼  
特五部為一會其盟所曰錫林郭爾四子部落喀  
爾喀右翼茂明安烏喇特四部為一會其盟所曰  
烏蘭察布鄂爾多斯為一會其盟所曰伊克召每  
三年

命大臣齋勅以往其各札薩克俱以時赴盟會之所每  
會設盟長一人副盟長一人以簡稽軍實巡閱邊  
防清理刑名編審丁冊惟歸化城土默特會盟集  
於本城不設盟長聽

簡命大臣蒞視

臣等謹按外藩各部每旗設掌旗札薩克一人不  
拘爵秩或係世管或由

簡用以王貝勒貝子公台吉為之自札薩克以外皆為

散秩其親王郡王貝勒貝子鎮國公輔國公台吉等爵無定員或以功晉封或以事降襲其世次具詳封建考茲不複載

科爾沁東西距八百七十里南北距二千一百里東至札賚特界西至札嚕特界南至奉天錦州二府邊界北至索倫界至

京師一千二百八十里漢遼東郡北境後漢為扶餘鮮卑地唐為契丹及靺鞨地遼為上京道之東境

東京道之北境金分屬上京路北京路及咸平路  
元為開元路北境明初以元後烏梁海置外衛自  
黃泥窪踰鐵嶺至開元曰福餘衛此為福餘衛地  
即以其酋長掌衛事後叛服不常洪熙間其酋居  
嫩江後自立國為科爾沁亦稱北嫩江蒙古素屬  
於察哈爾

太祖高皇帝甲午年即遣使通好天命初其貝勒莽古斯  
札爾固齊來朝以壤地相接結為婚姻其後為察



哈爾所侵

太祖高皇帝命將赴援察哈爾夜遁十一年其貝勒與巴  
遂率其兄弟先諸蒙古舉部來降

賜以土謝圖汗之號每有征伐並以師來會優賜與他部  
獨異後編為六旗其封爵無定員今為親王四人  
郡王四人貝勒二人貝子一人鎮國公二人輔國  
公六人

科爾沁左翼旗

駐伊克唐噶哩克坡在喜峯口東北一千六十五里東西距一百八

十里南北距五百五十里東與北並至右翼旗界西至札魯特左翼界南至左翼後旗界唐時為契丹地遼置信州彰聖軍領武昌定武二縣屬東京道金省定武縣以州屬上京路元廢明為科爾沁所據本朝崇德元年封莽古斯札爾固齊之孫曼珠錫禮為多羅巴圖魯郡王順治十六年進封為和碩達爾漢親王世襲掌左翼旗自本旗外統領前後二旗及郭爾羅斯二旗札薩克事

科爾沁左翼前旗

駐伊克岳里泊在喜峯口東北八百七十里東西距一百里南

北距一百二十里東至左翼後旗界西至喀爾喀左翼界南至楊柳木牧廠界北至左翼旗界唐時為契丹地遼置長春州屬上京道金降為縣隸泰州屬北京路元廢明為科爾沁所據本朝崇德元年封札爾固齊之弟喀爾喀為多羅炳圖郡王世襲掌左翼前旗札薩克事

科爾沁左翼後旗

駐雙和爾山在喜峯口東北一千四十里東西距二百里南北

距一百五十里東與北並至左翼旗界西至左翼前旗界南至錦州府邊界唐時為契丹地遼置鳳州屬上京道金廢明為科爾沁所據本朝順治六年封札爾固齊之孫奇塔特為多羅郡王世襲掌左翼後旗札薩克事

科爾沁右翼旗

駐巴顏和碩在喜峯口東北一千二百里東西距一百五十里南北

距四百五十里東至右翼前旗界西與南並至左翼旗界北至索倫界唐時為靺鞨地遼為黃龍府之北境屬東京道金屬上京路元廢明為科爾沁所據本朝崇德元年封土謝圖汗與巴之子巴達禮為和碩土謝圖親王世襲掌右翼旗自本旗外統領前後二旗及杜爾伯特札賚特二旗札薩

克事

科爾沁右翼前旗

駐錫喇布爾噶蘇在喜峯口東北一千三百五十里東西距一

百二十里南北距三百八十里東與北並至右翼後旗界西至右翼旗界南至郭爾羅斯界唐時為靺鞨地金置肇州隸會寧府屬上京路海陵時改屬濟州承安三年陞為武興軍領始興一縣元為遼王綬顏分地明為科爾沁所據本朝崇德元年封與巴之弟布達齊為多羅札薩克圖郡王世襲掌右翼前旗札薩克事

科爾沁右翼後旗

駐額默勒圖坡在喜峯口東北一千四百五十里東西距一百

二十里南北距三百七十里東至札賚特界西至右翼前旗界南至郭爾羅斯界北至索倫界唐時

為靺鞨地遼置行州領宜豐一縣屬東京道金廢  
元為遼王納顏分地明為科爾沁所據 本朝天  
命年間興已之兄托邁來朝賜號達爾漢崇德元  
年封其子拉穆什希為鎮國公世襲掌右翼後旗  
札薩  
克事

郭爾羅斯東西距四百五十里南北距六百六十  
里東至黑龍江將軍地界西與北并至科爾沁界  
南至奉天府及吉林邊牆界至

京師一千八百九十七里唐時為契丹地遼置泰州  
昌德軍屬上京道金因之大定間廢承安二年移

州於長春縣以故地為金安縣隸之元為遼王納  
顏分地明為科爾沁所據後分與其弟是為郭爾  
羅斯

本朝天聰七年其台吉古木及布木巴隨土謝圖汗  
興巴舉部來降後編為二旗各置掌旗札薩克仍  
統領於科爾沁左翼其封爵無定員今為鎮國公  
一人輔國公一人一等台吉一人

郭爾羅斯前旗

駐古爾班察罕在喜峯口東北一  
千四百八十七里東西距二百三

十里南北距四百里東至後旗界西與北並至科爾沁界南至奉天府邊牆界 本朝順治五年封

古木之弟桑阿爾寨為輔國公七年以古木之子昂安嗣為輔國公世襲掌前旗札薩克事

郭爾羅斯後旗

駐樁子嶺在喜峯口東北一千五百七十里東西距二百二十里南

北距二百六十里東與北並至杜爾伯特界西至前旗界南至白都訥界 本朝順治五年封布木

巴為鎮國公世襲掌後旗札薩克事

杜爾伯特東西距一百七十里南北距二百四十里東至黑龍江將軍地界西至札賚特界南至郭爾羅斯界北至索倫界至

京師二千五十里唐時為契丹地遼為長春州北境  
屬上京道金為泰州北境屬北京路元為遼王納  
顏分地明為科爾沁所據後分與其弟是為杜爾  
伯特

本朝天聰七年其台吉阿都齊隨土謝圖汗與巴舉  
部來降後編為一旗置掌旗札薩克仍統領於科  
爾沁右翼其封爵為貝子一人

杜爾伯特旗

駐托克托爾坡在喜峯口東北一千  
六百四十里 本朝順治五年封阿



都齊之子色楞為固山貝  
子世襲掌本旗札薩克事

札賚特東西距六十里南北距四百里東至杜爾  
伯特界西與南並至郭爾羅斯界北至索倫界至  
京師二千一十里唐時為契丹地遼為長春州北境  
屬上京道金為泰州北境屬北京路元為遼王納  
顏分地明為科爾沁所據後分與其弟是為札賚  
特

本朝天聰七年其台吉和碩齊隨土謝圖汗與巴舉

部來降後編為一旗置掌旗札薩克仍統領於科爾沁右翼其封爵為貝勒一人

札賚特旗

駐圖卜新察罕坡在喜峯口東北一千六百里本朝順治五年封和碩齊之

子色楞為固山貝子傳至特古斯於雍正十年以軍功晉封多羅貝勒世襲掌本旗札薩克事

札嚕特東西距一百二十五里南北距四百六十里東至科爾沁界西至阿嚕科爾沁界南至科爾沁及喀爾喀左翼界北至烏珠穆沁界至

京師一千五百十里漢遼東郡北境唐屬營州都督

府後入於奚遼為上京道地金屬北京路元為上都路東境明初為烏梁海地後為扎魯特素屬於喀爾喀

本朝初其部長內齊汗遣使通好結為婚姻天命四年其貝勒色本叛盟

太祖高皇帝命偏師擒之明年釋令歸國天聰二年內齊汗偕貝勒色本舉部來降後編為二旗其封爵無定員今為貝勒二人鎮國公一人

札嚕特左翼旗

駐齊齊克里克托羅海山北在喜峯口東北一千一百里東西距五

十五里南北距四百六十里東與南並至科爾沁界西至右翼旗界北至烏珠穆沁界本朝崇德元

年封內齊汗為多羅貝勒世襲掌左翼旗札薩克事

札嚕特右翼旗

駐克兒山南在喜封口東北一千二百里東西距七十里南北四百

六十里東至左翼旗界西至阿嚕科爾沁界南至喀爾喀左翼旗北至烏珠穆沁界本朝順治五

年封色本之子桑阿爾為多羅達爾漢貝勒世襲掌右翼旗札薩克事

喀爾喀左翼旗

右翼

東西距一百二十五里南北

距二百三十里東至科爾沁界西至奈曼界南至

土默特界北至札魯特及翁牛特界至

京師一千二十里漢為鮮卑地唐屬營州都督府  
後入於奚遼為上京道地金屬北京路元為大寧  
路北境明為喀爾喀所據素屬於札薩克圖汗後  
與有隙

本朝天命八年其台吉古木布伊爾登舉部來降後  
編為一旗其封爵為貝勒一人

喀爾喀左翼旗

駐察罕和碩墩在喜峯口東北八  
百四十里  
本朝康熙三年封古

木布伊爾登為多羅貝勒  
世襲掌本旗札薩克事

奈曼東西距九十五里南北距二百二十里東至  
喀爾喀左翼界西至教漢界南至土默特界北至  
翁牛特界至

京師一千一百十里漢為鮮卑地唐屬營州都督府  
後入于奚遼金為興中府地元為興中州北境屬  
大寧路明為喀爾喀所據後分與其弟是為奈曼  
素屬於察哈爾

本朝天聰元年其台吉袞楚克舉部來降後編為一旗其封爵為郡王一人

奈曼旗

駐章古台在喜峯口東北七百里本朝崇德元年封袞楚克為多羅達爾漢郡王

世襲掌本旗札薩克事

教漢東西距一百六十里南北距二百八十里東至奈曼界西至喀喇沁界南至土默特界北至翁牛特界至

京師一千一十里漢為鮮卑地唐屬營州都督府後

入於奚遼金為興中府北境元為遼王納顏分地  
明為喀爾喀所據後分與其弟是為教漢素屬於  
察哈爾

本朝天聰元年其貝勒塞臣卓禮克圖舉部來降後  
編為一旗其封爵無定員今為郡王二人貝子一  
人輔國公二人

教漢旗

駐古爾班圖勒噶山在喜峯口東北六百  
里本朝崇德元年封塞臣卓禮克圖之

子班第為多羅郡王世襲  
掌本旗札薩克事



土默特東西距四百六十里南北距三百十里東至楊柳木牧廠界西至喀喇沁右翼界南至錦州府邊牆界北至喀爾喀左翼及教漢界至

京師一千里本古孤竹國漢置柳城縣屬遼西郡為西部都尉治晉成康中燕慕容皝改為龍城縣遂建都于此號和龍宮元魏為營州治隋復治柳城縣為遼西郡治唐為營州都督府治後入於奚遼太祖平奚置興中府治興中縣屬中京道金

因之屬北京路元降為州屬大寧路明初以元後  
烏梁海置外衛自義州歷廣寧至遼河曰泰寧衛  
此為泰寧衛地即以其酋長掌衛事後叛服不常  
嘉靖以後小王子之裔居此者號曰圖們是為東  
土默特

本朝天聰三年其台吉溫布偕塔布囊善巴舉部來  
降後編為二旗其封爵無定員今為貝勒一人貝  
子一人又附喀爾喀貝勒一人

土默特左翼旗

駐早龍潭山在喜峯口東北八百二十里東西距一百六十里南北

距一百三十里東至楊柳木牧廠界西至右翼旗界南至義州白土廠邊門界北至喀爾喀左翼界

康熙元年崇德元年封善巴為鎮國公賜號達爾漢貝勒世襲掌左翼

旗札薩克事

土默特右翼旗

駐大華山在喜峯口東北五百九十里東西距二百九十里南北距

一百八十里東至左翼旗界西至喀喇沁右翼界南至錦州府邊牆界北至教漢界本朝順治二年封溫布為鎮國公康熙二年晉封為固山貝子世襲掌右翼旗札薩克事

喀喇沁東西距五百里南北距四百五十里東至

土默特及敖漢界西至熱河界南至永平府邊牆  
界北至翁牛特界至

京師七百里本春秋時山戎地漢屬遼西郡後  
漢為鮮卑地晉為慕容氏地元魏時有庫莫奚居  
此唐初奚內附置饒樂都督府隸營州後分為東  
西奚尋併於契丹遼統和二十五年以故奚王牙  
帳建城號中京大定府金貞元元年更為北京置  
留守司元初為北京路總管府至元七年改為大

寧路二十二年改為武平路後復大寧路隸遼陽  
行省明洪武中置大寧都指揮使司領大寧等二  
十餘衛封皇子權於大寧為寧王以鎮之尋改為  
北平行都指揮使司復以元後烏梁海置外衛自  
全寧歷喜峯近宣府曰朵顏衛即以其酋長掌衛  
事其地在大寧之北永樂初改封寧王于江西徙  
大寧都司于保定以大寧地賜三衛酋長此為朵  
顏衛所據叛服不常後為察哈爾所併以其地予

其塔布囊是為喀喇沁

本朝天聰二年其部長蘇布迪偕其兄弟色楞等舉部來降後編為二旗康熙四十四年又增設一旗共為旗三其封爵無定員今為郡王一人貝子二人鎮國公一人輔國公二人一等塔布囊一人

喀喇沁左翼旗

駐牛心山在喜峯口東北三百五十里東西距二百三里南北距一

百七十里東至土默特界西至熱河界南至永平府邊牆界北至右翼旗界本朝順治五年封色楞為鎮國公世襲傳至善穆巴克什于康熙五十五年晉封為固山貝子至僧衮扎布于雍正九年

晉封為多羅貝勒至呼圖靈阿于乾隆七年仍襲貝子掌左翼旗札薩克事

喀喇沁右翼旗

駐錫伯河北在喜峯口北三百九十里東西距三百里南北距二百

八十里東至教漢界西與南並至熱河界北至翁牛特界本朝崇德元年封蘇布迪之子古魯希布為貝子賜號多羅杜稜世襲至順治七年晉封為貝勒康熙三年晉封其子班達爾什為多羅杜稜郡王掌右翼旗札薩克事

喀喇沁增設一旗

康熙四十四年設五十九年封喀寧阿為一等塔布囊世襲掌

本旗札薩克事其游牧地即在左右翼二旗疆理內

翁牛特東西距三百里南北距一百六十里東至

阿魯科爾沁界西至熱河界南至喀喇沁及教漢界北至巴林及克什克騰界至

京師七百里隋以前為奚地唐為饒樂都督府地遼置饒州匡義軍屬上京道金為北京路地元為上都路地明初為烏梁海地後為翁牛特

本朝天聰七年其濟農索音偕貝勒棟等舉部來降後編為二旗其封爵無定員今為郡王一人貝勒一人貝子一人鎮國公一人



翁牛特左翼旗

駐札拉峯西在古北口東北六百八十里東西距三百里南北距九

十里東至阿魯科爾沁界西至右翼旗及克什克騰界南至教漢界北至巴林界本朝崇德元年封其部長東為多羅達爾漢戴青貝勒世襲掌左翼旗札薩克事

翁牛特右翼旗

駐英錫爾哈察特呼朗在古北口東北五百二十里東西距二百四

十里南北距一百六十里東至左翼旗界西至熱河界南至喀喇沁右翼旗界北至克什克騰界本朝崇德元年封索音為多羅杜稜郡王世襲掌右翼旗札薩克事

阿魯科爾沁東西距一百三十里南北距四百二

十里東至札魯特界西至巴林及翁牛特界南至

喀爾喀左翼界北至烏珠穆沁界至

京師一千三百四十里漢遼東郡邊外唐為松漠都  
督府地遼為上京臨潢府地金屬北京路元為遼  
王納顏分地明初為烏梁海地後為阿魯科爾沁  
為察哈爾所侵

本朝天聰六年其部長達賴率其子穆章舉部來降  
後編為一旗其封爵為貝勒一人

阿魯科爾沁旗

駐渾圖山東在古北口東北一千一百里本朝初設有二旗崇德

元年併為一旗順治五年封穆章為固山貝子  
後晉封為多羅貝勒世襲掌本旗札薩克事

巴林東西距二百五十一里南北距二百三十三  
里東至阿魯科爾沁界西至克什克騰界南至翁  
牛特界北至烏珠穆沁界左右翼二旗所轄疆理  
同至

京師九百六十里遼上京臨潢府地金屬北京路元  
嘗遷廣寧治此明初為烏梁海北境地後為順義  
王諱達第五子所據是為巴林素屬於察哈爾

本朝天命十一年

太祖高皇帝親統大軍征之收其畜產天聰二年復為察哈爾所破其貝勒色特爾偕台吉曼珠錫禮舉部來降後編為二旗其封爵無定員今為郡王一人

貝子二人輔國公一人

巴林左翼旗

駐阿齊圖托羅海在古北口東北七百里  
本朝順治五年封曼珠

錫禮為固山貝子世襲  
守左翼旗札薩克事

巴林右翼旗

駐托博山在古北口東北七百二十里  
本朝順治五年封色特爾之子

色布騰為輔國公七年晉封為多  
羅郡王世襲掌右翼旗札薩克事

克什克騰東西距三百三十四里南北距三百五  
十七里東至翁牛特及巴林界西至正藍旗察哈  
爾界及浩齊特界南至翁牛特界北至烏珠穆沁  
界至

京師八百里遼上京道地金屬北京路元為上都  
路及應昌路地明為蒙古所據是為克什克騰素  
屬於察哈爾

本朝天聰八年既平察哈爾其部長蘇密爾戴青舉部來降後編為一旗其封爵為台吉一人

克什克騰旗

駐濟拉巴斯峯在古北口東北五百七十里本朝順治三年封蘇密爾

戴青為一等台吉世襲掌本旗札薩克事

烏珠穆沁東西距三百六十里南北距四百二十五里東至索倫界西至浩齊特界南至巴林界北至瀚海接喀爾喀界至

京師一千一百六十三里遼上京道北境金屬北京

路元屬上都路明為蒙古所據是為烏珠穆沁素  
屬於察哈爾後以林丹汗暴虐往依喀爾喀

本朝天聰八年既平察哈爾其貝勒多爾濟偕色楞  
等舉部來降後編為二旗其封爵無定員今為親  
王一人貝勒一人鎮國公一人輔國公一人

烏珠穆沁左翼旗

駐奎蘇托羅海在古北口東西  
一千一百六十里東西距二百

五十六里南北距二百十五里東至索倫界西與  
南並至右翼旗界北至瀚海接喀爾喀界本朝

順治三年封色楞為多羅額爾德  
尼貝勒世襲掌左翼旗札薩克事

烏珠穆沁右翼旗

駐巴克蘇爾噶台山在古北口東北九百二十三里東西距三

百六十里南北距二百十里東與北並至左翼旗界西至浩齊特界南至巴林界本朝崇德六年封多爾濟為和碩車臣親王世襲掌右翼旗札薩克事

浩齊特東西距一百七十里南北距三百七十五里東與北並至烏珠穆沁界西至阿巴噶界南至克什克騰界至

京師一千一百八十五里遼上京道西境金屬北京路元屬上都路明為蒙古所據是為浩齊特素屬



於察哈爾後以林丹汗暴虐往依喀爾喀

本朝天聰八年既平察哈爾其貝勒博羅特偕台吉  
噶爾瑪策旺舉部來降後編為二旗其封爵為郡

王二人

浩齊特左翼旗

駐烏默克依泉在獨石口東北六  
百八十五里東西距九十五里南

北距三百十里東與北並至烏珠穆沁界西至右  
翼旗界南至克什克騰界本朝順治三年封博

羅特為多羅貝勒七年晉封為多羅額  
爾特尼郡王世襲掌左翼旗札薩克事

浩齊特右翼旗

駐都古哩克呼都克井在獨石口  
東北六百九十里東西距七十五

里南北距三百七十五里東與北並至左翼旗界  
西與南並至阿巴噶界 本朝順治十年封噶爾  
瑪策旺為多羅郡王世  
襲掌右翼旗札薩克事

阿巴哈納爾東西距一百八十里南北距四百三  
十六里東至浩齊特界西至阿巴噶右翼界南至  
正藍旗察哈爾界北至瀚海接喀爾界至

京師一千五十里漢上谷郡北境晉為拓跋氏地隋  
及唐初為突厥地遼為上京道西境金為北京路  
西北境元屬上都路明為蒙古所據是為阿巴哈

納爾素屬於喀爾喀

本朝崇德年間台吉色楞偕托音錫拉布舉部來降  
後編為二旗其封爵為貝勒一人貝子一人

阿巴哈納爾左翼旗

駐烏爾呼托羅海山在獨石口東北五百八十二里東西

距一百十里南北距三百十八里東與北並至浩齊特界西至右翼旗界南至阿巴噶界本朝康熙四年封托音錫拉布為固山貝子世襲掌左翼旗札薩克事

阿巴哈納爾右翼旗

駐永安山在張家口東北六百四十里東西距六十里南

北距三百十里東至左翼旗界西至阿巴噶界南至正藍旗察哈爾界北至瀚海接喀爾喀界本

朝康熙六年封色楞為多羅貝勒世襲掌右翼旗札薩克事

阿巴噶東西距二百里南北距三百十里東至阿巴哈納爾界西至蘇尼特界南至正藍旗察哈爾界北至瀚海接喀爾喀界至

京師一千里漢上谷郡北境晉為拓跋氏地隋及唐初為突厥地遼為上京道西境金屬北京路元屬上都路明為蒙古所據是為阿巴噶素屬於察哈爾後以林丹汗暴虐往依喀爾喀

本朝天聰八年既平察哈爾其濟農都思噶爾偕貝勒多爾濟舉部來降後編為二旗其封爵無定員今為郡王二人貝子一人輔國公一人

阿巴噶左翼旗

駐巴顏鄂隴在獨石口北五百五十里東西距一百二十里南北距

一百八十二里東至浩齊特界西與北並至阿巴哈納爾界南至正藍旗察哈爾界本朝順治八年封都思噶爾為多羅郡王世襲掌左翼旗札薩克事

阿巴噶右翼旗

駐科布爾泉在張家口東北五百九十里東西距八十里南北距三

百十里東至阿巴哈納爾界西至蘇尼特界南至正藍旗察哈爾界北至瀚海接喀爾喀界本朝

崇德六年封多爾濟為多羅卓禮克圖郡王世襲掌右翼旗札薩克事

蘇尼特東西距四百六里南北距五百八十里東至阿巴噶右翼界西至四子部落界南至察哈爾鑲白正白二旗界北至瀚海接喀爾喀界至

京師九百六十里漢上谷及代郡北境後漢烏桓鮮卑居之晉為拓跋氏地隋及唐初為突厥地遼置撫州尋廢金復置屬西京路元為興和路地明為蒙古所據是為蘇尼特素屬於察哈爾

本朝天聰八年既平察哈爾其濟農叟色偕貝勒騰  
吉斯舉部來降後編為二旗其封爵無定員今為  
郡王二人貝勒一人輔國公一人

蘇尼特左翼旗

駐鄂拉圖察卜台墩在張家口北  
五百七十里東西距一百六十里

南北距三百里東至阿巴噶右翼界西至右翼旗  
界南至正白旗察哈爾界北至瀚海接喀爾喀界

羅郡王世襲掌左翼旗札薩克事  
本朝崇德六年封騰吉斯為多

蘇尼特右翼旗

駐薩敏錫勒山在張家口北五百  
五十里東西距二百四十六里南

北距二百八十里東至左翼旗界西至四子部落  
界南至鑲黃旗察哈爾界北至瀚海接喀爾喀界

稜本朝崇德七年封叟色為多羅杜郡王世襲掌右翼旗札薩克事

四子部落東西距二百三十五里南北距二百四十里東與北並至蘇尼特界西至歸化城土默特及喀爾喀右翼界南至鑲紅旗察哈爾界至

京師九百六十里漢雁門及定襄郡北境晉為拓跋氏地唐為振武軍地遼為豐州地屬西京道金屬西京路元屬大同路明為喀爾喀所據後分與諸子號曰堆音珠色是為四子部落



本朝天聰七年其貝勒溫布舉部來降後編為一旗  
其封爵為郡王一人

四子部落旗

駐烏蘭額爾吉坡在張家口西北五百五十里  
本朝順治六年封溫布

為多羅達爾漢郡王世襲  
襲寧本旗札薩克事

喀爾喀右翼東西距一百二十里南北距一百三十里  
東至四子部落界西至茂明安界南至歸化城  
土默特界北至瀚海接喀爾喀界至

京師一千一百三十里漢定襄雲中二郡北境唐為

振武軍地遼為豐州地屬西京道金屬西京路元  
屬大同路明為喀爾喀所據素屬於土謝圖汗後  
與有隙

本朝天命八年其台吉本達爾舉部來降後編為一  
旗其封爵無定員今為貝勒一人貝子二人鎮國  
公一人

喀爾喀右翼旗

駐塔魯渾河在張家口西北七百  
十里 本朝順治十年封本達爾

為和碩達爾漢親王康熙九年其子諾爾降封郡  
王四十七年其孫占達古密降封多羅達爾漢貝

勒世襲掌本  
旗札薩克事

茂明安東西距一百里南北距一百九十里東至  
喀爾喀右翼界西至烏喇特界南至歸化城土默  
特界北至瀚海接喀爾喀界至

京師一千二百四十里漢五原郡地唐為振武軍地  
遼為東勝州地屬西京道金屬西京路元屬大同  
路明為蒙古所據是為茂明安

本朝天聰八年其部長揚古海等舉部來降後編為

一旗其封爵無定員今為貝勒一人一等台吉一

人

茂明安旗

駐徹爾圖泉在張家口西北八百里  
本朝順治初年封楊古海為一等台吉

世襲掌本旗  
札薩克事

烏喇特在殺虎口西北五百六十里東西距二百

十五里南北距三百里東至茂明安及歸化城土

默特界西與南並至鄂爾多斯界北至喀爾喀界

前中後三旗所轄疆理同至

京師一千五百二十里秦九原郡地後廢漢元朔二年復置更名五原郡漢末郡廢唐景龍二年張仁愿於河外築三受降城此為中受降城地遼為雲內州地屬西京道金屬西京路元屬大同路明為蒙古所據是為烏喇特

本朝天聰七年其台吉溫布達爾漢偕圖巴鄂寶等舉部來降後編為三旗其封爵為鎮國公二人輔國公一人

烏喇特前旗

駐哈達瑪爾一名鐵柱谷 本朝順治五年封圖巴為鎮國公世襲掌前

旗札薩

克事

烏喇特中旗

亦駐哈達瑪爾 本朝順治五年封鄂寶為鎮國公世襲掌中旗札薩克

事

烏喇特後旗

亦駐哈達瑪爾 本朝順治五年封巴克巴海為輔國公世襲掌後旗札

薩克  
事

鄂爾多斯在歸化城西河套內東至歸化城土默

特界西至喀爾喀界南至長城界北至烏喇特界

東西北三面皆距黃河自山西偏頭關至甘肅寧夏邊外袤延二千里有奇至

京師一千一百里漢初為匈奴地武帝元朔二年於此開置朔方郡又兼為西河郡上郡之南境後漢末廢朔方郡晉永嘉後遞為前後趙前後秦地義熙中赫連勃勃據此置統萬城後魏為統萬鎮地後為夏州北境隋於其地東置勝州西置豐州大業初改勝州為榆林郡豐州為五原郡後廢唐貞

觀中復置勝豐二州天寶元年改勝州為榆林郡  
豐州為九原郡乾元元年俱復故名其南境又置  
宥州俱屬關內道唐末拓跋思恭鎮此後為西夏  
五代至宋金皆為夏所有元初滅夏立西夏中興  
等路後廢其地東屬東勝雲內二州西屬延安寧  
夏等路明初築東勝等城並立屯戍天順間蒙古  
酋長巴賚與茂里海等始擁小王子入據河套小  
王子被弑西北諸部鄂爾綽克等與茂里海互相



仇殺其餘衆別立小王子之支子為岱顏汗不復  
居套仍服屬於小王子其後別部沙嘉阿爾斯蘭  
與博勒呼亦入居之成化四年沙嘉阿爾斯蘭殺  
鄂爾綽克併其衆而結元裔滿魯都居河套稱汗  
九年為明兵所敗滿魯都乃渡河北去會沙嘉阿  
爾斯蘭殺博勒呼尋亦為滿魯都所殺套地稍寧  
成化末北部復入河套未幾火篩據之嘉靖中岱  
顏汗之子賽音那蘭有子七人長曰濟農次曰諤

達最強盛濟農自套西擊破火篩居此自稱車臣  
可汗子七人分有河套之地是為鄂爾多斯後仍  
屬於察哈爾

本朝既平察哈爾其濟農琳沁於天聰九年來歸仍  
賜濟農之號今招集諸部落順治六年編為六旗  
封琳沁為多羅郡王固魯之子色楞為固山貝子  
布達岱之子額琳沁為固山貝子七年封善丹為  
多羅貝勒沙克札為固山貝子又封札木素為鎮

國公後其裔亦晉封為固山貝子今封為多羅貝勒各掌分地雍正九年又增設一旗共為旗七其封爵無定員今為郡王一人貝勒二人貝子三人輔國公一人一等台吉一人

鄂爾多斯左翼中旗

駐套內正南近東之鄂什喜峯在扎拉谷西一百六十五

里東西距一百十五里南北距三百二十里東至左翼前旗界西至右翼前旗界南至邊城界北至右翼後旗界漢朔方郡南境隋唐為勝州地明嘉靖間為鄂爾多斯所據本朝順治六年封濟農琳沁為多羅郡王世襲掌左翼中旗札薩克事

鄂爾多斯左翼前旗

駐套內東南之札拉谷在和  
坦和碩西一百四十五里東

西距二百四十五里南北距二百十里東至歸化  
城土默特界西至左翼中旗界南至邊城界北至

左翼後旗界漢西河郡之富昌大城等縣地隋唐  
為勝州地明初為榆林左衛地後為鄂爾多斯所

據本朝初其台吉隨琳沁來降後封  
為貝子世襲掌左翼前旗札薩克事

鄂爾多斯左翼後旗

駐套內東北之巴爾噶遜湖  
在黃河帽帶津西一百四

十里東西距二百八十五里南北距一百五十里  
東至歸化城土默特界西至左翼中旗界南至左

翼前旗界北至烏喇特界漢朔方郡地隋唐為勝  
州郡治所明嘉靖間為鄂爾多斯所據本朝初

其台吉隨琳沁來降後封為貝  
勒世襲掌左翼後旗札薩克事

鄂爾多斯右翼中旗

駐套內正西近南之什喇布拉克圖池在鄂勒濟呼泊西

南二百六十里東西距三百二十里南北距四百八十里東與北並至右翼後旗界西至喀爾喀界南至右翼前旗界漢朔方郡南境隋唐為豐州地元和中移置宥州於此明嘉靖間為鄂爾多斯所據本朝初其台吉隨琳沁來降復封為貝勒世襲掌右翼中旗札薩克事

鄂爾多斯右翼前旗

駐套內巴哈池在鄂什喜峯西九十里東西距一百八十

里南北距二百七十里東至左翼中旗界西至右翼中旗界南至邊地界北至右翼後旗界漢工郡之高望奢延等縣地隋唐為豐州地明初為榆林右衛地後為鄂爾多斯所據本朝初其台吉隨琳沁來降後封為貝勒世襲掌右翼前旗札薩克事

鄂爾多斯右翼後旗

駐套內西北之鄂勒濟呼泊在巴爾噶遜泊西一百七十

里東西距一百八十里南北距一百六十里東至左翼後旗界西至右翼中旗界南至左翼中旗界北至烏喇特界漢朔方郡地隋唐為豐州治所明嘉靖間為鄂爾多斯所據本朝初其台吉隨琳沁來降後封為貝子世襲掌右翼後旗札薩克事

鄂爾多斯增設一旗

雍正九年設封定札拉錫為一等台吉世襲掌本旗札薩

克事其游牧地即在六旗疆理內

歸化城土默特東西距四百三里南北距三百七

十里東至四子部落界西至鄂爾多斯左翼前旗

界南至山西邊城界北至喀爾喀右翼及茂明安  
界左右翼二旗所轄疆理同至

京師一千一百六十里漢定襄雲中二郡地後漢屬  
雲中郡後魏初建都于此號盛樂城後置雲州領  
盛樂雲中等郡隋復置定襄郡唐置單于大都護  
府後唐時入遼置豐州天德軍屬西京道金因之  
元屬大同路明宣德初築玉林雲川等城設兵戍  
守後為蒙古所據嘉靖間小王子之族諳達駐牧

豐州灘築城架屋以居謂之拜姓是為西土默特  
屢分道入寇開拓疆土東至喀喇沁界西至鄂爾  
多斯南至宣大有衆四十萬隆慶四年內附詔封  
為順義王名其城曰歸化其弟姪支庶等各自為  
部者凡六十五人各授都督指揮千百戶等官有  
差每年貢馬開市萬厯九年諳達子黃台吉襲王  
十三年黃台吉子格根襲王三十二年格根諸子  
互相爭襲部無定主三十四年格根之孫博碩克



圖始受封如故事其後部落自相仇殺復為察哈爾所侵及其子溫布嗣立國遂衰破

本朝天聰八年

太宗文皇帝親征察哈爾駐蹕歸化城土默特部落悉降大軍既滅察哈爾

命貝勒岳脫駐守歸化城會其屬茂海潛與喀爾喀通偽稱溫木布為錫圖根汗事覺誅茂海執溫布以還崇德元年其酋古祿格等來朝

命偕溫布還後編為二旗即以古祿格為左翼都統杭高  
為右翼都統並世襲後以土默特中無可任都統  
之人定由京

簡用往管旗務惟給土默特人等世襲職銜隨都統辦  
事乾隆二十六年裁歸化城都統一人二十八年  
復裁一人以土默特旗歸駐劄綏遠城之建威將  
軍兼轄仍設副都統二人一駐綏遠城一駐歸化  
城協同將管管理

歸化城土默特左翼旗

駐歸化城外設副都統等員管轄隸於綏遠城將軍

歸化城土默特右翼旗

駐歸化城外設副都統等員管轄隸於綏遠城將軍

臣等謹按西土默特部向以都統等員管理與各蒙古設有王公等札薩克者不同自雍正元年置歸化城同知其後增至七廳凡旗民交涉之事皆得而治之至本旗事務均由建威將軍統轄第其部落舊列二十五部之內故附著于此

皇朝文獻通考卷二百九十一

欽定四庫全書

皇朝文獻通考卷二百九十二

輿地考 二十四

喀爾喀

臣等謹案大漠之野號稱瀚海此漠南漠北所自分也漢唐盛時兵力或能至於漠南若漠北則固荒遠矣自元初起自西北建都和林其後混一天下遂于和林置行中書省列於十一行省之中其

後裔於明初復退保於此位號相傳終明之世自成強國

聖朝功德隆盛遐邇咸賓當開國之始蒙古北部喀爾喀三汗即同時納貢至康熙年間喀爾喀與準噶爾構難舉國內屬我

聖祖仁皇帝親整六師三臨朔漠

天戈所指威震龍沙絕域之遙如履戶闥逮乎準夷敗竄朔塞蕩平於是喀爾喀全部列爵分旗庇我宇下

承平以來綏懷益遠凡內附之厄魯特部人亦分  
駐焉其封爵會盟諸典禮隸於理藩院典屬司及  
柔遠司來享來王奔走恐後與漠南諸部無異焉  
蓋懷柔之化訖於無外矣

喀爾喀東西袤延五千里南北距三千里東至黑  
龍江將軍界西至阿勒坦山接西域新疆界南至  
瀚海接漠南諸蒙古界北至俄羅斯國界戰國時  
為匈奴地漢初冒頓強盛併有漠南武帝時累歲

征伐匈奴始退保漠北後漢時分為南北二單于  
此為北單于地漢末匈奴衰弱烏桓鮮卑遞有其  
地元魏初蠕蠕強盛其主始稱可汗常與後魏為  
敵國東至朝鮮西至燉煌張掖之北境南臨大磧  
北渡沙漠窮瀚海皆為所有西魏以後蠕蠕破而  
突厥興盡有西北之地其主亦稱可汗北齊後周  
爭結婚姻傾府藏事之至大遼便沙鉢畧分為二  
國大遼便之後別為西突厥在今天山北路境此



為東突厥地唐初又有薛延陀自稱可汗於漠北  
貞觀時頡利被擒突厥破亡薛延陀與回紇並強  
盛至薛延陀既滅回紇並有其地其後內附以其  
地遙置瀚海燕然金微幽陵龜林盧山六都督府  
又置臯蘭高闕雞田榆溪雞鹿蹕林寘顏等七州  
即以其部長為都督刺史長史司馬皆隸燕山都  
護府後更併有九姓諸部盡突厥故地其東境又  
兼為室韋部地五代至宋回紇始衰與室韋諸部

散居其地羈屬於遼金時蒙古諸部始盛元太祖十  
五年定諸部建都於此名和林初置元昌路後改  
和林轉運使司自太祖至世祖初五朝並都焉世  
祖遷都大興於和林置宣慰司都元帥府大德十  
一年設和林等處行中書省罷宣慰司都元帥府  
置和林總管府皇慶元年改嶺北等處行中書省  
改和林路為和寧路明初元順帝殂於應昌其子  
阿裕實哩達喇嗣立徙和寧依王巴拜於此改元

宣光傳其次子托果斯特穆爾改元天元駐捕魚  
兒海於洪武二十一年為明將藍玉所敗走至圖  
拉河為其下伊蘇岱爾所弑部落多潰其族烏納  
實哩收散亡居和寧之西復為明都督劉真等所  
破自托果斯特穆爾後五傳至昆特穆爾皆被殺  
遠族郭勒齊篡位稱汗始去國號稱韃靼其下以  
非順帝裔不附酋長阿魯台等殺郭勒齊而迎元  
後布尼雅實哩立以為汗永樂六年以書諭之不

報命淇國公邱福統五將軍出塞擊之師殲馬八年明文帝親征布尼雅實哩懼欲與阿魯台俱西阿魯台不從君臣始各自為部布尼雅實哩西奔明師追敗之于鄂諾河還師遇阿魯台復破之十年布尼雅實哩為衛拉特馬哈木所殺時阿魯台強盛與衛拉特相攻元裔益微其後阿魯台為衛拉特所感內附封為和寧王尋復入寇興和二十年明文帝復親征阿魯台遁去遂擊降烏梁海而

還仁宗時阿魯台數敗於衛拉特乃率其屬東走  
烏梁海駐牧遼塞宣德中為衛拉特馬哈木之子  
脫歡所殺乃求元後托克托布哈立之脫歡自為  
丞相居漠北脫歡死子額森嗣為太師衆益強後  
疑其主托克托布哈與中國通攻殺之額森自稱  
汗尋亦為其下所殺諸部共立托克托布哈之子  
號小王子其後數傳至卜赤嗣為小王子徙帳東  
方為察哈爾其留漠北部落曰喀爾喀為西北強

國共為七部有三汗中曰土謝圖汗東曰車臣汗  
西曰扎薩克圖汗

本朝天聰七年瑪哈薩嘛諦車臣汗遣使來貢 崇  
德三年三汗並遣使入朝定各貢白馬八白駝一  
謂之九白之貢歲以為常後因其國西接烏魯特  
部每與構兵康熙十六年

詔諭兩國和好時尼魯特噶爾丹方雄驚西北喀爾喀之  
三汗內自相殘二十八年噶爾丹興兵攻破其國

七部舉族奔潰款塞內附三十年四月

聖祖仁皇帝親巡邊外受其朝大會於多倫諾爾之地安輯其衆於卡倫邊內仍留其三汗之號其諾顏濟農等封以王貝勒貝子公台吉等爵並世襲分為三路共三十七旗與內扎薩克同列噶爾丹既并其地遂沿克魯倫河南牧窺伺邊塞三十五年

駕親征至克魯倫河賊衆駭遁還遇大兵擊之盡殲其衆明年噶爾丹竄死漠北悉平喀爾喀諸部始歸故

地其從征有功者晉封爵增編旗分為五十五旗  
又有善巴自為一部曰賽音諾顏部雍正九年固  
倫額駙策凌以奮擊準噶爾功

詔授為扎薩克分轄各旗共四部為七十四旗今增至八  
十二旗設阿爾台軍營駐定邊左副將軍及叅贊  
大臣以經理之設庫倫互市處駐司員以經理之  
其朝覲貢道由張家口共分為四班其會盟則土  
謝圖汗部之二十旗為一會其盟所曰罕阿林車



臣汗部之二十三旗為一會其盟所曰克魯倫巴  
爾和屯扎薩克圖汗部之十七旗為一會其盟所  
曰扎克畢賴色欽畢都哩雅諾爾賽音諾顏部之  
二十二旗為一會其盟所曰齊齊爾里克每會設  
盟長一人副盟長一人

恭載

聖祖仁皇帝御製平定朔漠告成太學碑文

惟

天盡所覆海內外日月所出入之區悉以畀予一人自踐祚至今蚤夜殫思休養生息冀臻熙皞以克副維皇大德好生之意庶幾疆域無事得以偃兵息民廼厄魯特噶爾丹阻險北陲困此一方人既荼毒塞外輒狡焉肆其兇逆犯我邊鄙虐我臣服人用弗寧夫蕩寇所以息民攘外所以安內邊寇不除則吾民不安此神人所共憤天討所必加豈憚一人之勞弗貽天下之逸於是斷自朕心躬親朔漠欲使悔罪革心故每許以不殺彼怙

終不悛我師三出絕塞朕皆親御以行深入不毛屢涉  
寒暑勞苦艱難與偏裨士卒共之迨彼狂授首脅從歸  
誠荒外君長來享闕下西北萬里濯燧銷烽中外乂謐  
惟朕不得已用兵以安民既告厥成事廼蠲釋青災潔  
事裡望為億兆祈昇平之福而廷臣請紀功太學垂示  
來茲朕勞心於邦本嘗欲以文德化成天下顧茲武畧  
廷臣僉謂建威消萌宜昭斯績于有永也朕不獲辭致  
之禮王制有曰天子將出征受成於學出征執有罪反

釋奠於學以訊馘告而泮宮之詩亦曰矯矯虎臣在泮  
獻馘又禮王師大獻則秦愷樂大司樂掌其事則是古  
者文事武事為一折衝之用具在樽俎之間故受成獻  
馘一歸於學此文武之盛制也朕嚮意於三代故斯舉  
也出則告於神祇歸而遣祀闕里茲允廷臣之請猶禮  
先師以告克之遺意而於六經之旨為相符合也爰取  
思樂泮水之義為詩以銘之以見取亂侮亡之師在朕  
有不得已而用之之實或者不戾於古帝王伐罪安民

之意云爾銘曰巍巍先聖萬世之師敬信愛人治平所  
基煌煌聖言文武道一禮樂征伐自天子出朕臨域中  
逾茲三紀嘗見羹牆寤寐永矢下念民瘼上承帝謂四  
海無外盡隸候尉維彼兌醜瀆亂典常既梗聲教遂窺  
我疆譬之於農患在螟螣秉畀不施將害稼穡度彼游  
魂險遠是怙震以德威可往而取朕志先定龜筮其依  
屬車萬乘建以龍旗祝融駭鸞風伯戒途宜暘而暘利  
我樵蘇大野水涸川瀆効靈泉忽自湧其甘如醴設為

犄角一出其西一出其東中自將之絕域無人獸羣自  
掩五日窮追彼狂走險大殲於路波血其孥剪其黨孽  
俘彼卒徒衆烏晝號單馬宵遁恐久駐師重為民困慎  
固戍守還轅於京自夏徂冬雨雪其零載馳載驅我行  
至再蠹茲窮寇昏惑不悔我邊我氓以休以助爰寧其  
居爰復其賦藩落老稚斯恬斯嬉歲晏來歸春與之期  
春風飄颻揚我旆旃我今于邁如涉我郊言秣我馬狼  
居胥山登高以眺閔彼殫九天降兇罰孤雛就羈三駕

三捷封狼輿尸既腊梟獍既獮豺獍大漠西北解甲棄  
受振旅凱入澤霈郊卜明禋肆赦用迓景福昔我往矣  
在泮飲酒陳師鞠旅誓屈羣醜今我來思在泮獻功有  
赫頌聲文軌來同采芹采藻頌興東魯車攻馬同亦錫  
石鼓師在安民出非得已古人有作昭示斯旨緬維虞  
廷誕敷文德聖如先師戰勝必克惟兵宜戢惟德乃綏  
億萬斯年視此銘詞

喀爾喀中路土謝圖汗部駐圖拉河左右境東至

肯特山接車臣汗部界西至喀魯特哈河接賽音諾顏部界南至瀚海接蘇尼特四子部落諸部界北至俄羅斯國界康熙二十八年土謝圖汗察渾多爾濟為噶爾丹所敗率其部衆來降三十年許仍其舊號增封王貝勒等爵共為十七旗三十二年以後增至三十五旗雍正年間增至三十八旗尋分二十旗屬於賽音諾顏部此為十八旗乾隆元年以後復增二旗共二十旗於本旗外分十九



扎薩克掌之仍統領於土謝圖汗其封爵無定員  
今為汗一人和碩親王二人多羅郡王一人多羅  
貝勒一人固山貝子一人輔國公七人一等台吉  
八人

喀爾喀東路車臣汗部駐克魯倫河左右境東至  
庫倫諾爾接黑龍江將軍地界西至察罕齊老山  
接土謝圖汗部界南至瀚海接阿巴哈納爾阿巴  
噶諸部界北至俄羅斯國界康熙二十八年故車

臣汗阿拉布坦之子烏巴什率其部衆來降三十  
年許仍其舊號增封王貝勒等爵共為十二旗三  
十五年以後增至二十一旗乾隆十四年增一旗  
二十二年又增一旗共二十三旗於本旗外分二  
十二扎薩克掌之仍統領於車臣汗其封爵無定  
員今為汗一人和碩親王一人多羅郡王一人多  
羅貝勒二人固山貝子二人鎮國公三人輔國公  
三人一等台吉十三人

喀爾喀西路扎薩克圖汗部駐杭愛山左右境東  
至鄂爾渾河接賽音諾顏部界西至塔爾巴哈台  
山接西域新疆界南至賀蘭山厄魯特界北至俄  
羅斯國界康熙二十八年扎薩克圖汗兵敗為噶  
爾丹所害三十年其弟策旺扎卜率其部衆來降  
初封為和碩親王後仍許其襲扎薩克圖汗之號  
增封貝勒等爵共為八旗三十三年以後增至十  
二旗雍正年間增至十五旗乾隆十三年增一旗

二十二年又增一旗共十七旗於本旗外分十六  
扎薩克掌之仍統領於扎薩克圖汗其封爵無定  
員今為汗一人多羅貝勒一人鎮國公三人輔國  
公六人一等台吉九人

喀爾喀賽音諾顏扎薩克親王部駐翁金河北境  
東至土謝圖汗部界西至扎薩克圖汗部界南至  
茂明安烏喇特諸部界北至俄羅斯國界初喀爾  
喀內附時有信順額爾克戴青諾顏善巴自為一

部及固倫額駙策凌征準噶爾有功於雍正元年  
封多羅郡王九年晉封和碩親王授為大扎薩克  
十年賜號超勇親王於土謝圖汗部內分轄二十  
旗乾隆元年以後復增二旗共二十二旗於本旗  
外分二十一扎薩克掌之仍統領於大扎薩克親  
王其封爵無定員今為大扎薩克和碩親王一人  
和碩親王一人多羅郡王二人世子一人多羅貝  
勒二人鎮國公二人輔國公八人一等台吉九人

附駐牧喀爾喀境內厄魯特

烏蘭烏蘇厄魯特部共二旗其一旗舊駐喀爾喀  
河康熙二十五年準噶爾綽羅斯部台吉阿拉布  
坦來降封為郡王後傳至其子朋楚克降襲貝子  
乾隆二十六年移駐鄂爾坤之烏蘭烏蘇地方其  
一旗舊駐達拉爾河康熙二十五年準噶爾綽羅  
斯部台吉丹濟拉來降封為輔國公後其子多爾  
濟色布騰晉封貝子乾隆二十六年移駐烏蘭烏

蘇地方

臣等謹按烏蘭烏蘇厄魯特二旗屬喀爾喀賽音諾顏部管轄其駐牧地即在賽音諾顏疆理內  
賀蘭山厄魯特

臣等謹按厄魯特部種類各殊在

國初時駐牧河套西者謂之套夷駐牧青海者謂之  
西海諸台吉其駐牧天山北境者謂之北厄魯特  
各有部長當青海盛時並統屬於額實汗其後青

海套西二部並來歸順其北厄魯特恃其荒遠終  
於覆滅惟其部衆之先來降附者在青海境則有  
游牧之緯羅斯輝特土爾扈特各旗在喀爾喀境  
則有烏蘭烏蘇厄魯特旗在西域新疆境則有都  
爾伯特旗皆北厄魯特之裔云

賀蘭山厄魯特在河套以西東至寧夏府邊外界  
西至甘州府邊外界南至邊牆北至瀚海接喀爾  
喀界至



京師五千里漢北地郡西境及武威張掖二郡北境  
地晉時為前涼張軌後涼呂光北涼沮渠蒙遜所  
有唐時屬河西節度使廣德初入於吐蕃宋景德  
中入於西夏元屬甘肅行中書省明為邊外地

國初有厄魯特部落駐牧套西稱為套夷其部長鄂  
齊爾圖汗及阿巴賴諾顏隨顧實汗內附於順治  
四年即遣使入貢嗣是朝貢不絕後噶爾丹強盛  
侵併套夷害鄂齊爾圖汗其孫濟農巴圖爾額爾

克等竄至近邊於康熙二十五年上書求給牧地  
詔於寧夏甘州邊外畫界給之自寧夏所屬玉泉營以西  
至賀蘭山陰自甘州所屬鎮番塞口以北至額濟  
內河俱以離邊六十里為界三十六年奏願以所  
部編置佐領為旗一其封爵無定員今為親王一  
人鎮國公二人

賀蘭山厄魯特部駐賀蘭山之博羅冲奇克地方  
康熙三十六年封巴圖爾額爾克為多羅貝勒後

其子阿寶晉封郡王其孫羅卜藏多爾濟仍襲貝勒乾隆二十二年以功復封多羅郡王三十年晉封親王世襲掌本旗扎薩克事

額濟內土爾扈特

臣等謹按土爾扈特之本國在西北極邊本準噶爾四衛拉特之一與準噶爾有隙遂徙國與俄羅斯接境康熙年間其國王阿貴齊之弟阿拉布珠爾自西藏還以準噶爾道梗不能歸遂乞內屬今

居甘肅邊外自為一部云

額濟內土爾扈特東至古爾蘆西至肅州邊外南至三岔河北至坤都楞河至

京師五千里漢武威張掖二部北境唐入吐蕃宋入西夏元屬甘肅行省明為邊外地

本朝康熙四十三年土爾扈特部阿拉布珠爾來降於甘肅邊外給與牧地後編為一旗其封爵為貝勒一人

臣等謹按額濟內土爾扈特部與賀蘭山厄魯特部疆理相接其境內山川不別載

額濟內土爾扈特部駐額濟內河之黨色爾騰地方康熙四十三年封阿拉布珠爾為固山貝子其子旦永於雍正七年晉封為多羅貝勒世襲掌本旗扎薩克事

青海

臣等謹按禹貢雍州終之以西戎即敘孔傳謂在

荒服之外流沙之內羌髳之屬鄭康成以為衣皮之民居於崑崙析支渠搜之野者皆西戎也諸儒以崑崙為在臨羌西以析支為在河關西皆在今西寧邊外然則青海之地固為當日雍州西徼矣周秦以還諸羌繁行罕歸聲教厥後一變而為吐谷渾再變而為吐蕃至明代入於蒙古而後復為厄魯特所有部落之居此者已經屢易我

國家開創之初其部顧實汗即輸誠歸附逮雍正初

年平定青海編旗之後餘衆畏服朝貢惟謹實與  
內扎薩克相等抑又論之青海介處西陲鄰接甘  
肅全境自漢置河西四郡史稱其隔絕南羌為斷  
匈奴右臂明初建重鎮於甘肅以北拒韃靼南捍  
諸番中葉以後北部得越境闌入與番族相通遂  
世為邊患

聖朝威武丕彰撫有萬宇若北部之四十九旗久歸臣  
僕至於安西境外地盡西蒙所謂河西諸郡已為

甘肅之地長駕遠馭之畧固非前代之規模所得擬其萬一者也

青海古曰西海東至甘肅西寧洮岷邊境西至西藏南至四川松潘界北至甘肅安西府界袤延二千餘里至

京師五千七十里本禹貢西戎地夏殷周皆屬西羌漢為武威張掖金城隴西四郡之西徼外及蜀郡之北徼外屬先零燒當等諸羌地王莽時置西海



郡歷後漢魏晉皆諸戎所居東晉以後又為吐谷  
渾所據隋大業五年平吐谷渾置西海河源等郡  
隋末吐谷渾復據其地唐初擊破之龍朔三年吐  
蕃滅吐谷渾盡有其地宋亦為吐蕃地元置吐蕃  
宣慰司於河州又封駙馬章古為郡王鎮西寧並  
統治番衆明為西番地洪武初遣官招諭凡西寧  
河州諸衛指揮僉事等官並即以番酋為之以番  
地產馬歲與之互市其後又以番僧入貢加以國

師禪師等封號永樂以後諸番僧及諸衛番族各許其歲時朝貢西番之勢益分率不相統屬正德四年有蒙古部酋額布勒等襲破青海番人多逼徙其留者不能自存反為所役屬屢為甘肅西寧邊患名曰海寇嘉靖時額布勒為河套酋濟農所破收其部落大半而去惟布爾噶一部斂衆自保其後北部諸達又貪青海饒富襲據其地布爾噶竄走已而諸達引去留其子丙圖居青海隆慶中

諳達受封順義王西寧亦安自丙圖據青海後諳達之從孫車臣台吉及兄子永邵卜等同居之萬歷中又時時犯邊後漸衰弱

國初有厄魯特顧實汗者自西北侵有其地於崇德二年即遣使修貢嗣是朝貢不絕順治十年

詔封為遵文行義敏慧顧實汗其後顧實汗之子留駐西藏為汗於青海不復稱汗自分其地為左右二境部落散處其間謂之西海諸台吉康熙三十六年

既平噶爾丹青海台吉扎什巴圖爾等咸內附封  
以王貝勒貝子公台吉等爵並世襲雍正元年扎  
什巴圖爾之子羅卜藏丹津誘衆犯邊

世宗憲皇帝命官兵進剿平定其地惟不從逆者仍其封  
號以軍功增封世爵三年於各部落編設旗分自  
青海厄魯特外為游牧之綽羅斯輝特土爾扈特  
喀爾喀皆分置佐領共為旗二十有八乾隆十一  
年增設一旗又有大喇嘛察罕諾們汗所屬蒙古

分為四佐領不統於各旗即令喇嘛管轄其封爵  
朝貢隸於理藩院之典屬司及柔遠司凡簡稽軍  
實巡閱邊防之事設西寧駐劄大臣以經理之置  
互市於西寧之地其朝覲貢道由西寧分為三班  
恭載

世宗憲皇帝御製平定青海告成太學碑文

我國家受

天眷命撫臨八極日月所照罔不臣順遐邇乂安兆人蒙

福乃有羅卜藏丹津者其先世顧實汗自國初稽首歸  
命當時使臣建議卑以駐牧之地其居雜番羌密近甘  
涼我

皇考聖祖仁皇帝睿慮深遠每厯於懷既親御六師平定  
朔漠威靈所加青海部落扎什巴圖爾等震讐承命

聖祖仁皇帝因沛殊恩封為親王兄弟八人咸賜爵祿羈  
縻包容示以寬大而狼心梟性不可以德義化三十年  
來包藏異志朕紹登寶位優之錫賚榮其封號尚冀克

輯寧部衆而羅卜藏丹津昏謬狂悖同黨吹拉克諾木  
齊阿爾布坦溫布藏巴扎布等實為元惡謂國家方宏  
浩蕩之恩不設嚴密之備誕敢首造逆謀迫脅番羌侵  
犯邊城反狀彰露用不可釋於天誅遂令川陝總督太  
保公年羹堯為撫遠大將軍聲罪致討以雍正元年十  
月師始出塞自冬涉春屢破其衆凡同叛之部落戈鋌  
所指應時摧敗招降數十萬衆又降其貝勒貝子公台  
吉等二十餘人朕猶憫其愚蠢若悔禍思愆束手來歸

尚可全宥而怙惡不悛負險抗違乃決剪滅之計以方  
畧密付大將軍羹堯調度軍謀簡稽將士用四川提督  
岳鍾琪為奮威將軍於仲春初旬禡牙徂征分道深入  
搃其窟穴電掃風驅搜剔巖阻賊徒倉皇靡潰窮蹙失  
據羅卜藏丹津之母及逆謀渠魁悉就俘執擒獲賊衆  
累萬牲牽軍械不可數計賊首逃遁我師逾險窮追獲  
其輜重人口殆盡羅卜藏丹津孑身易服竄匿荒山殘  
喘待斃自二月八日至二十有二日僅旬有五日军士



無久役之勞內地無轉輸之費克奏數功永清西徼三月之朔奏凱旋旅饒鼓喧轟士衆訢喜四月十有二日以唱逆之吹拉克諾木齊等三人獻俘

廟社受俘之日臣民稱慶伏念

聖祖仁皇帝威靈震於遐方福慶流於奕業用克張皇六師殄滅狂賊行間將士亦由感激湛恩厚澤為朕踴躍用命斯役也芟夷凶悖綏靖番羌俾烽燧永息中外人民胥享安阜實成先志以懋有不績廷臣上言稽古典

禮出征而受成於學所以定兵謀也獻馘而設奠於學所以告凱捷也宜刊諸珉石揭於太學用昭示於無極遂為之銘曰天有雷霆聖作弧矢輔仁而行威遠寧邇維茲青海種類實繁錫之茅土列在藩垣被我寵光位崇祿富負其阻遐禍心潛構恭惟

聖祖慮遠智周賤念荒服綏撫懷柔朔野既清西陲攸震  
爵號渚加示之恩信如何兇狡造謀逆天鼓動昏慙寇  
侵於邊惟彼有罪自干天罰桓桓虎貔爰張九伐王師

即路冬雪初零日耀組練雪響聲鉦蠢茲不順敢逆戎  
旅奮張螳臂以當齊斧止如山嶽疾如雨風我戰則克  
賊壘其空彼昏終迷曾不悔戾當剪而滅斯焉決計厲  
兵簡將往搗其巢踰歷嶽嶇坦若垌郊賊棄其家我繫  
而獲牛馬谷量器仗山積寔免失窟何所逋逃枯魚游  
釜假息煎熬師以順動神明所福旬日凱歸不疾而速  
殪彼逆謀懸首藁街獻俘成禮金鼓調諧西域所贍此  
惟雄特天討既申羣酋惕息縻戈偃草告成辟雍聲教

遐暨萬國來同惟我

聖祖親平大漠魏功煥文邁桓軼酌流光悠久視此銘辭  
繼志述事念茲在茲

青海厄魯特部本顧實汗之後康熙三十六年諸  
台吉內附授以封爵雍正元年以羅卜藏丹津叛  
逆出師平定三年編為二十旗乾隆十一年增設  
一旗共為旗二十有一各設扎薩克掌之其封爵  
為親王一人郡王二人貝勒一人貝子三人鎮國

公一人輔國公二人一等台吉十一人其游牧地  
諸部散處不分畛域

青海游牧綽羅斯部本準噶爾綽羅斯部台吉為  
噶爾丹之族游牧青海地方舉所部來降雍正三  
年編為二旗各設扎薩克掌之其封爵為郡王一  
人輔國公一人

青海游牧輝特部本準噶爾輝特部台吉游牧青  
海地方舉所部來降雍正三年編為一旗設扎薩

克掌之其封爵為輔國公一人

青海游牧土爾扈特部本準噶爾土爾扈特部台  
吉游牧青海地方舉所部來降雍正三年編為四  
旗各設扎薩克掌之其封爵為一等台吉四人  
青海游牧喀爾喀部本喀爾喀台吉游牧青海地  
方舉所部來降雍正三年編為一旗設扎薩克掌  
之其封爵為一等台吉一人

西藏

臣等謹按吐蕃之部通自唐時史稱其國西南與婆羅門接壤則其俗之信奉釋教固宜也元時西藏之地皆領於番僧若大寶法王帝師之號尊禮特殊明代因之自宗喀巴肇興黃教數傳之後為諸番所尊信於是有達賴喇嘛班禪喇嘛更在各番王之上自

本朝崇德年間謂東土有

聖人即遣使經數國之地踰年而至當

大統之方集識歸化之獨先

國家以其恭順有年錫之封號俾得以世次相繼逮康熙年間為準夷侵擾經

王師平定以來藏地諸番皆登樂土於焉闡揚善教同我太平所謂因其教不易其俗齊其政不易其宜者蓋懷柔撫馭之道即於是寓焉矣

西藏在四川雲南徼外東西六千四百餘里南北六千五百餘里東至四川界東南至雲南界西至



大沙海北至青海界至

京師一萬四千餘里古西南徼外諸羌戎地兩漢魏  
晉間種落無聞自吐蕃始祖鶻提勃罕野居析支  
水西並諸羌據其地歷周及隋猶未通中國其君  
長稱為贊布唐貞觀八年始遣使來朝十五年妻  
以宗室女文成公主既而滅吐谷渾盡臣羊同黨  
項諸羌幅員萬餘里唐末漸衰弱宋時亦號吐蕃  
朝貢不絕元憲宗始於河州置吐蕃宣慰司都元

師府又於四川徼外置碉門魚通黎雅長河西寧等處宣撫司世祖時置烏思藏以吐蕃僧帕克斯巴為大寶法王帝師領之嗣者數世其弟子號司空司徒國公皆佩金玉印明洪武六年以攝帝師拉木監巴藏卜為熾盛佛寶國師給玉印置烏思藏朵甘二指揮司又置宣慰司三招討司六萬戶府四千戶所十七以元國公那木喀思丹巴監藏等為都指揮同知宣慰使元帥招討等官永樂中

復封番僧為大寶法王大乘法王大慈法王闡化  
王贊善王闡教王輔教王護教王凡八王並給印  
誥比歲或間歲朝貢其徒以次封西天佛子大國  
師國師禪師諸號者不可勝紀明之中葉有宗喀  
巴者居拉薩始興黃帽之教相傳其二世始立第  
巴以治國事其三世始稱達賴喇嘛有異術能知  
三生事諸番莫不從其教正德時遣中使至其地  
往迎所謂活佛者所費以巨萬計其僧卒匿不出

見所攜寶貨器械皆為番人所奪其後達賴喇嘛  
與班禪喇嘛並為諸番所奉凡大寶法王及闡化  
諸王亦皆俯首稱弟子

本朝崇德七年達賴喇嘛首先入貢至順治九年來  
朝十年

世祖章皇帝賜以金印遣使封為西天大善自在佛領天  
下釋教普通幹齊喇達賴喇嘛嗣後與班禪  
喇嘛各遣使貢獻不絕其部落號圖伯特前藏則

達賴喇嘛主之後藏則班禪喇嘛主之其代喇嘛  
理事者曰第巴又有汗則蒙古部長為之康熙初  
年有藏地之藏巴汗威虐部下第巴乞師於青海  
顧實汗擊破之遂留其長子達賴為汗三十二年  
封第巴為圖伯特國王賜金印時達賴喇嘛已歿  
第巴匿不以聞潛與厄魯特噶爾丹相通及召班  
禪喇嘛來京第巴又阻之不至四十四年達賴汗  
之子拉藏誅第巴以聞

聖祖嘉之賜金冊印封為輔教恭順汗遣大臣安撫其地  
復立第六世達賴喇嘛五十二年封班禪胡圖克  
圖為班禪額爾德尼依達賴喇嘛之例錫以冊印  
五十三年準噶爾策妄阿喇布坦興師侵藏害拉  
藏汗焚毀寺廟迫逐僧衆五十八年遣大兵討平  
之

世宗憲皇帝嗣位撤回官兵封康濟鼐為貝子總理其地  
雍正五年西藏噶隆阿爾布巴等叛殺康濟鼐後

藏辦理噶隆事務之扎薩克台吉頗羅鼐走避以  
聞遣兵進剿明年頗羅鼐率衆部落入藏阿爾布  
巴等伏誅藏地安輯如故封頗羅鼐為固山貝子  
九年晉封多羅貝勒辦理衛藏噶隆事務乾隆四  
年晉封多羅郡王給印轄衛藏等處十二年其子  
珠爾默特那木扎爾襲封十五年以謀逆伏誅今  
設輔國公三人一等台吉一人並因其俗設噶隆  
第巴等職其地有四曰衛曰藏其東境曰喀木其

西境曰阿里共轄城六十餘衛與喀木諸城皆統屬於達賴喇嘛藏與阿里諸城皆統屬於班禪喇嘛別設駐藏大臣二人鎮撫其地封爵承襲及入貢之事隸於理藩院之典屬司及柔遠司置互市於四川西徼打箭爐之地其貢道由打箭爐分為二班凡喇嘛道行最高者曰胡土克圖轉世者曰呼畢爾罕其秩之貴者曰國師曰禪師次曰扎薩克大喇嘛曰扎薩克喇嘛又次曰大喇嘛曰副喇



嘛自扎薩克喇嘛以上皆頒給印信其徒之分處  
喀爾喀及內扎薩克部落者皆為蒙古所尊奉仍  
遙屬於達賴喇嘛班禪喇嘛

恭載

聖祖仁皇帝御製平定西藏勒銘碑文

昔者

太宗文皇帝之崇德七年班禪額爾德尼達賴喇嘛顧實

汗謂東土有

聖人出特遣使自人跡不至之區經讐敵之國閱數年始  
達盛京至今八十載同行善事俱為施主頗極安寧後  
達賴喇嘛之歿第巴隱匿不奏者十有六年任意妄行  
拉藏滅之復興其法因而允從拉藏庫克淖爾羣衆公  
同之請中間策妄阿喇布坦妄生事端動準噶爾之衆  
肆行奸詐滅壞達賴喇嘛並廢第五輩達賴之塔辱蠟  
班禪毀壞寺廟殺戮喇嘛名為興法而實滅之且欲竊  
據圖伯特國朕以其所為非法爰命皇子為大將軍王

又遣朕子孫等調發滿洲蒙古綠旗兵各數萬歷烟瘴之地士馬安然而至賊衆三次乘夜盜營我兵奮勇擊殺賊皆喪膽遠遁一矢不發平定西藏振興法教賜今呼畢爾罕冊印封為第六輩達賴喇嘛安置禪榻撫綏圖伯特僧俗人衆各復生業於是文武臣工咸謂王師西討歷瘴癘險遠之區曾未半載輒建殊勲實從古所未有而諸蒙古部落及圖伯特酋長亦合詞奏曰皇帝勇略神武超越往代天兵所臨邪魔掃蕩復興蒙古向

所尊奉法教喀木藏衛等部人衆咸得拔離湯火樂土安居如此盛德大業非臣下頌揚所能宣罄請賜御製碑文鐫勒招地以垂永久爰紀斯文立石西藏俾中外知達賴喇嘛等三朝恭順之誠諸部落累世崇奉法教之意朕之此舉所以除逆撫順綏衆興教云爾

衛在四川打箭爐西北三千餘里即烏思藏居諸藏之中亦曰中藏東自穆魯烏蘇西岸青海部落界西至噶木巴拉嶺藏界一千五百三十三里南

自鄂木拉岡冲嶺北至崖魯藏博江二千二百餘里

衛地所屬諸城

拉薩城

在打箭爐西北三千四百八十里即唐吐蕃建牙之所今為達賴喇嘛所居

德沁城

在拉薩東南三十八里

靜東城

在拉薩東南二百二十里

桑里城

在拉薩東南二百五十一里

吹扎爾普朗城

在拉薩東南二百六十里

恪噶爾城

在拉薩東南三百里

里古城

在拉薩東南三百十里

裕勒佳阿雜城

在拉薩東南三百三十里

濟古城

在拉薩東南三百四十里

捫磋納城

在拉薩東南四百四十里

拉巴隨城

在拉薩東南四百四十里

佳木達城

在拉薩東南四百四十里

達木城

在拉薩東南五百六十里

衮米納木佳勒城

在拉薩東南  
六百二十里

碩勒噶城

在拉薩東南  
六百四十里

卓莫城

在拉薩東南  
七百五十里

多木純城

在拉薩東南  
七百七十里

則布拉岡城

在拉薩東南  
八百七十里

達克博柰城

在拉薩東南  
九百六十里

德摩城

在拉薩東南  
九百八十里

東噶爾城

在拉薩西  
二十五里

金  
日噶努布城

在拉薩西南三十里

楚舒爾城

在拉薩西南一百十五里

日噶公噶爾城

在拉薩西南一百四十里

雅爾博魯克勒巴底城

在拉薩西南三百里

多城

在拉薩西南四百二十里

僧格城

在拉薩西南四百三十里

得巴達克則城

在拉薩東北九十二里

倫珠布城

在拉薩東北一百二十里



薩木珠布公喀爾城

在拉薩東北一百五十里

盆多城

在拉薩東北一百五十里

臣等謹按西藏之俗凡有官舍民居之處建造樓居依山為塹即謂之城量地之大小人之多寡各設宗布木管理民事設丁布木管理兵丁

藏  
在衛西南五百餘里東自噶木巴拉嶺衛界西至瑪爾岳木嶺阿里界一千八百八十二里南自坡巴朗城之扎木拉嶺北至們巴部落之北達魯

克裕木磋淖爾一千三百餘里

藏地所屬諸城

扎什倫博城

在拉薩西南五百六十里其先藏巴汗居此今為班禪喇嘛所居

日喀資城

在北什倫博東三十里

林網城

在北什倫博東二百二十里

納噶爾城

在北什倫博東二百八十里

堆朋城

在北什倫博東三百六十里

巴納木城

在北什倫博東八十五里

佳勒則城

在北什倫博東南一百二十里

烏裕克林噶城

在北什倫博東南三百八十五里

定集城

在北什倫博西三百九十里

羅噶爾城

在北什倫博西五百二十里

坡巴朗城

在北什倫博西六百二十里

噴磋克凌城

在北什倫博西南七百里

濟隆城

在北什倫博西七百二十里

濟特城

在北什倫博西七百六十里

葉爾摩城

在扎什倫布西  
南七百六十里

烏穆城

在扎什倫布  
西二百里

將羅尖城

在扎什倫布  
西三百里

鄂摩城

在扎什倫布  
西北九十里

將阿木凌城

在扎什倫布西  
北四百八十里

喀木在衛東南八百三十二里近雲南麗江府之

北東自雅龍江西岸西至努卜公拉嶺衛界一千

四百里南自噶克拉岡里山北至穆魯烏蘇南岸

一千七百里

喀木所屬諸城

達爾城

在拉薩東南一千二百七十五里

桑阿克吹城

在拉薩東南一千三百里

碩班多城

在拉薩東南一千三百四十五里

羅隆城

在拉薩東南一千六百五十里

蘇爾東城

在拉薩東南一千六百五十里

衮珠城

在拉薩東南一千九百里

匝坐里岡城

在拉薩東南二千一百五十里

塘噶爾城

在拉薩東北二千二百里

索克城

在拉薩東北一千三百里

努布爾城

在拉薩東北一千三百里

臣等謹按自塘噶爾城之東南則為巴塘巴塘之東北為裏塘巴塘之東南為中甸西南為維西各有屬地接四川打箭爐及雲南麗江府鶴慶府邊外界舊皆為喀木地分置堪布喇嘛管理隸於西

藏自康熙五十年大兵定藏其衆皆內附雍正五年設分治廳員駐中甸維西地方屬雲南省管轄七年設立巴塘裏塘二宣撫使司並增置各土司屬四川省管轄

阿里為西藏之極西邊境東自藏界瑪爾岳木嶺西至得已堪布嶺二千一百餘里南自匝木薩喇嶺北至烏巴拉嶺一千二百餘里

阿里所屬諸城

布朗達克喀爾城

在扎什倫布西南  
二千二百餘里

噶爾東城

在扎什倫布西  
南二千三百里

什德城

在扎什倫布西  
南二千三百里

古格扎什倫布城

在扎什倫布西  
南二千四百里

冲隆城

在扎什倫布西南  
二千四百餘里

則布朗城

在扎什倫布西南  
二千五百餘里

楚瑪爾德城

在扎什倫布西南  
二千六百餘里

扎什岡城

在扎什倫布西  
南二千七百餘里



羅多克喀爾城

在扎什倫布西  
二千八百里

底木岡城

在扎什倫布西  
二千八百餘里

喀什城

在扎什倫布西  
二千八百里

畢底城

在扎什倫布  
西三千餘里

臣等謹按西藏諸城之外又有附近部落在衛地  
拉薩東南者曰噶克卜部落居衛與喀木邊界之  
間其相近為恭布部落在藏地扎什倫布西南者  
曰薩噶部落其西為卓書特部落們已部落乃藏

之西界阿里之東界至阿里之西北有達拉克部  
落其在喀木西北界者有拉塔部落舒布倫巴部  
落格爾濟部落塞爾匝納爾噶魯部落瓦舒部落  
與青海接界並附屬於西藏云

皇朝文獻通考卷二百九十二